

Na osnovu Zaključka Predsjedništva Bosne i Hercegovine, br. 01-50-1-449-42/24 od 21. 02. 2024, usvojenog na 11. redovnoj sjednici od 21. 02. 2024, Ministarstvo vanjskih poslova Bosne i Hercegovine

o b j a v l j u j e

## JAVNI POZIV

### za izbor kandidata Bosne i Hercegovine za članstvo u Komitetu za budžet i finansije Međunarodnog krivičnog suda (ICC)

Međunarodni krivični sud (ICC) je istorijski prva stalna institucija međunarodne pravde nadležna za krivično gonjenje pojedinaca za ozbiljna kršenja međunarodnog humanitarnog prava, odnosno ratne zločine, kršenje prava i običaja ratovanja, zločine protiv čovječnosti, kao i genocid – uz dodatak zločina agresije (vođenje agresivnog rata). Osnovan je Rimskim statutom od 17. 07. 1998, koji je stupio na snagu 01. 07. 2002. Od ovog datuma teče njegova nadležnost.

Bosna i Hercegovina je originalna članica (osnivač) Rimskog statuta, uz isključenje nadležnosti za zločin agresije.

Komiteo za budžet i finansije je savjetodavni organ Skupštine država članica ICC. Nadležan je za budžetska, administrativna i finansijska pitanja, uključujući nadzornu funkciju. Sastoji se od 12 članova, u nezavisnom svojstvu. Oni se biraju od strane Skupštine ICC, na nominacije država članica.

Na Skupštini ICC od 02-07. 12. 2024. iz Istočnoevropske grupe (kojoj pripada BiH) izabraće se jedan član. Rok za podnošenje kandidatura je 25. 08. 2024.

Funkcija izabranog člana započeće 01. 01. 2025, uz mandat od tri godine. Moguće je još dva puta biti izabran, uz isti mandat.

Troškove učešća u radu Komiteta (prevoz na putovanjima i smještaj) podnose države iz kojih dolaze članovi, prema standardima ICC.

Napominjemo da funkcija člana Komiteta **ne predstavlja radni odnos**, nego odgovarajuće učešće u njegovom radu.

Bosna i Hercegovina će nominovati jednog kandidata, kako bi izgledi za njegov izbor bili maksimalni. On/ona treba da je priznati ekspert sa iskustvom u međunarodnim finansijama.

Pozivaju se zainteresovani kandidati da se prijave.

Konačnu odluku o nominaciji od strane BiH donijeće Predsjedništvo BiH, pri čemu nije vezano podnesenim prijavama.

**Podnosilac prijave treba ispunjavati sljedeće uslove:**

- Da je državljanin BiH.
- Da ima visoko stručno obrazovanje – završen Ekonomski ili srodni fakultet.
- Da je priznati ekspert sa iskustvom u međunarodnim finansijama.
- Da aktivno poznaje bar jedan od radnih jezika ICC: engleski i/ili francuski.
- Da ne obavlja rukovodeću dužnost u institucijama BiH.
- Da se protiv njega/nje ne vodi krivični postupak.
- Da nije obuhvaćen članom IX (1) Ustava BiH.

**Uz prijavu potrebno je priložiti sljedeće dokumente (ovjerene kopije):**

- Biografiju na jednom od službenih jezika BiH.
- Biografiju na jednom od radnih jezika ICC: engleski ili francuski.
- Dokaz o završenoj stručnoj spremi ili priznatu/nostrifikovanu diplomu ako je fakultet završen izvan BiH nakon 06. 04. 1992.
- Dokaz o radnom iskustvu u međunarodnim finansijama.
- Uvjerenje o aktivnom znanju engleskog i/ili francuskog jezika;
- Uvjerenje o državljanstvu BiH, ne starije od šest mjeseci;
- Uvjerenje o nevođenju krivičnog postupka, ne starije od tri mjeseca.
- Izjava ovjerena kod nadležnog organa da kandidat nije obuhvaćen odredbom člana IX (1) Ustava BiH.

Znanje više stranih jezika uzima se u obzir kao dodatni kvalitet.

Dostavljene prijave sa kompletnom traženom dokumentacijom biće proslijeđene Predsjedništvu BiH na dalje postupanje.

Rok za podnošenje prijava je dvadeset dana od dana objavljivanja Javnog poziva.

**Prijave sa potrebnom dokumentacijom (u zatvorenoj koverti s naznačenom adresom pošiljaoca) dostavljaju se neposredno ili putem pošte preporučeno na adresu: Ministarstvo vanjskih poslova Bosne i Hercegovine, Musala 2, 71000 Sarajevo, sa naznakom „Javni poziv – Komitet za budžet i finansije Međunarodnog krivičnog suda (ICC)“.**

Nepotpune i neblagovremene prijave neće biti uzete u razmatranje.